

經部

詳校官監察御史臣左 周

校對官檢討臣 覆枝官編修臣茅元銘 謄録監生臣張元信 非 寅


大定四軍全書 欽定四庫全書 蘇氏詩集傳 捉要 臣等謹案蘇入詩集傳二十卷宋蘇歡撰其說以詩 宏之所集録因惟存其發端一言而以下餘文悉 之小序及後繁重期非一人之詞疑為毛公之學衛 樂會時也采賴者樂循法也是足見古人言 從刑汰案禮記曰騶虞者樂官備也貍首者 蘇八時集傳 經部三 詩類

多少 Z 奔女也泰離伯封作也賓之初庭衛武公飲有惡疾也漢廣比人也汝墳解家也蝦蝀刺 應麟韓詩考所載 偶不 酒 率以 梅過也劉元世元城 首云雨無 考信 益 速楽齊崇 語 有雨 詩文 括其古小序之體實聲 提要 無 補總 如 極篇序云正大 傳目 傷我稼穑云云是 劚 謂韓 韓詩 語録亦曰少年當記 雕 詩北 刺 世宋 詩也米昌 罕尚 有存 刺 《岜 於斯 傷

成 同而但有首句是鲁詩序亦括以 作獨斷載問頌序三十 卿善毛詩乃為其訓衛宏從曼卿受學因作 毛詩序轍以為衛宏所集録亦不 為無徵 詩序者以後漢書為近古而儒林傳稱謝曼 取小序首句為毛公之學不為無見 史傅言 伯瑜作毛詩指說雖亦以小序為出子夏 語也又蔡邕書石經悉本魯詩所 蘇人時供傳 , 章大致皆與毛 語也轍

欽定匹庫全書 今傅其尤不可者皆明著其失則轍于毛氏 祖良有由也轍自序又曰獨採其可者見于 創矣厥後王得臣程大昌李樗皆以轍 說為 單后妃之本也鴻雁美宣王也 如此之類是 然其言曰衆篇之小序子夏惟裁初句耳葛 之學亦不激不隨務持其平者而未置稍覺 云云然則惟取序首伯瑜已先言之不自轍 也其下皆大毛公自以詩中之意而繁其詞

CALIDIAL ALA 轍之本志矣乾隆四十 年二月恭校上 察雜記乃曰蘇子由解詩不用詩序亦未識 蘇氏詩集傳 總 總養官臣紀即臣陸錫熊原孫士教 校 官 臣 陸 = 费



飲定型車全書 其言諸侯被周之 王之風謂之周南名南 詩集傳 公日辟國百里言其治外 您也文王之法周也所以 於善者謂之名公之詩 於諸侯者屬之名公詩 及外者謂之周公之詩 宋 蘇轍 撰

受命稱王則大奴固稱后妃而諸侯之妻固稱夫人 夫人名南有名公之詩而周南無周公之詩夫文王 南者文王在西而化行於南方以其及之者言之也 明者也然則謂之周名者蓋因其職而名之也謂之 周公在內近於文王雖有德而不見則其詩不作名 故名南之詩不如周南之深周南稱后妃而名南稱 風皆出於文王而有內外之異內得之深外得之淺 公在外遠於文王功業明著則詩作於下此理之最

國風 之可乎 虞之德諸侯之風也先王之所以教緊之名公然則 **邶郁衛王鄭齊魏唐之相次亡之先後也泰之列於** 孔子編詩列十五國先後之次二南之為首正風也 東北則紂之所在文王之初所不能及也毛詩之欽 曰關睢麟趾之化王者之風也故繁之周公鵲巢騶 二南皆出於先王其深淺厚薄二公無與而强以名

たこのまという

詩集傳

詩先晉何也晉之失國自定公始自定公以來者韓 侯之亡者莫先於晉周安王之十六年而田氏滅齊 七者詩之所先而先亡者詩之所後也魏唐晉也諸 魏趙之晉也齊之失國自平公始自平公以來者田 十四國之類也嘗試考其世次而論其亡之先後後 檜曹之後陳已亡之國也豳之列於十四國之後非 二十六年而韓魏趙滅晉齊之亡也先晉十年而齊 國之後後是八國而亡也陳之後秦将亡之國也

鄭之七也當安王之子烈王之元年則齊晉之七也 列於八國之後以為非特後之而又兼八國而有之 則鄭之七也亦久矣衛之七也當秦始皇帝之二十 國之君而以為亡馬故諸侯之先亡者晉其次齊也 也春秋書諸侯之會王之大夫必列於上王之世子 七年則周之亡也亦久矣後亡者常先春最後亡而 久矣周之亡也盡於烈王之曾孫赧王之五十九年 氏之齊也定公之立先平公三十年矣孔子自其失

決定四車全書 !

.排傳

矣知其將亡而不以列於未亡之國蓋以亡國視馬 年孔子卒之歲而陳亡然則孔子之編詩也陳將亡 此陳之所以後秦也檜之七也當周幽王之世鄭桓 侯也蓋以為異馬耳陳之亡也當周敬王之四十一 必列於後秦之所以後於八國者循王世子之後諸 已亡矣無所事先而知其後亡也此槍之所以後陳 之檜先而曹後因其亡之先後而為之先後馬以為 公滅之曹之亡也當周敬王之三十三年宋景公滅

飲定四車全書 檢詩不為鄭而邶獻為衛魏為晉何也鄉都魏之詩 都者衛之所減也想者晉之所減槍者鄭之所減也 詩猶人之有脉也其長短緩急之候於是馬在矣邶 察其脉而知其人之終身疾痛壽天之數其不知者 以為妄言也其知者以為循視其面顏也夫國之有 而以斷馬是故可以先馬而無疑也良醫之視人也 而曹之所以後檜也嗚呼數十百年之間國之存亡 孔子預知之讀其詩聽其聲觀其國之厚薄三者具 ·詩集傳

魯至於歌魏曰渢渢乎大而婉儉而易行以德輔 沮 所不及也以其不及而發其為晉則學者之随矣汾 也而魏詩不為晉何也飲不以晉也雖不以晉亦不 魏不可沒也邶郁之詩學者以為衞矣何也敘以衞 於前而以衛晉終之雖主衛晉而其風不同故此都 作於既減其詩之所為作者衛晉也是以列即都魏 魏然則是不舉其國耳凡致之不舉其國者文之 知之三章而三稱晉官馬非晉而何季子觀樂於

晉矣非亡國之詩也至於檜風檜之未亡而作矣函 蓋以為豳耳非豳人之詩也非豳人之詩而言豳之 則盟主也夫亡國之詩而李子言之若此乎蓋以為 國而處之其下此風之特異者也以其特異而别之 風故繁之豳雖繁之豳而非豳人之詩故不列於諸 秦魏唐何也曰孔子之未編詩也太師次之以豳為 之非十四國之類何也此周公與周大夫之所作也 亦理之當然也季子之觀樂也既歌齊而繼之以函

九色日草白雪 一

詩集傳

金少世是白電 定蓋非太師之所能知也 秦之有也而繫之秦以秦晉之强相若也而不能決 睢后妃之徳也 則監是以常舉其略以待學者自推之故其言曰仁 其長短意天下之諸侯將歸於此二國至孔子而後 者見之謂之仁智者見之謂之智夫唯不詳故學 可以推易之端未當詳言之也非不能詳以為詳之 孔子之致書也舉其所為作書之故其質易也發其 巷

た正可見 Asto 有以推而自得之今毛詩之叙何其詳之甚也世傳 以自信其說是以其言時有及覆煩重類非一人之 亦出於孔子或弟子之知詩者數然其誠出於孔氏 雖欲詳之而無由其存者將以解之故從而附益之 者六馬詩之叙未當詳也詩之亡者經師不得見矣 稱之故後世之為詩者附之要之豈必子夏為之其 也則不若是詳矣孔子刑詩而取三百五篇今其亡 以為出於子夏于竊疑之子夏當言詩於仲尼仲尼 詩集傳

金月四月 台書 夏所創毛公及衛敬仲又加潤益古說本如此故子 關睢鳩在河之洲窈窕淑女君子好述 孔氏之舊也 其可者見於今傳其尤不可者皆明著其失以為此 存其一言而已曰是詩言是事也而盡去其餘獨采 旨至今傳於世隋經籍志曰先儒相承謂毛詩紋子 林傳曰衞宏從謝曼卿受學作毛詩叙善得風雅之 詞者凡此皆毛氏之學而衛宏之所集錄也東漢儒 卷一

九三日事 二 寐思服悠哉悠哉展轉及例 參差荇菜左右流之窈窕淑女寤寐求之求之不得寤 **荇接余也左右助也流求也服事也后妃将取荇菜** 女将與共事也 子在家有和徳而無淫僻之行可以配君子也 以共宗廟必有助而求之者是以寤寐不忘以求淑 水中可居者日洲在河之洲言未用也述匹也言文 關關和聲也惟鳩王惟鳥之擊者也物之擊者不淫 詩集傳 t

葛章后妃之本也 右笔之窈窕淑女鐘鼓樂之 參差荇菜左右采之窈窕淑女琴瑟友之參差荇菜 金月でたる 肯從我也此求之至也 類此窈窕淑女不可得也尚其得之則将友之以琴 瑟樂之以鍾鼓琴瑟在堂鍾鼓在廷以此待之庶其 笔擇也求得而采采得而笔先後之敘也凡詩之敘 關睢三章一章章四句二章章八句

· 大定四車至45 → 詩集傳 葛之覃兮施于中谷维葉萋萋黄鳥于飛集于灌木其 鳴喈喈 言其樂從事於此也軍延也美妻茂盛貌也黃鳥搏 集于木鳴喈喈矣詠歌其所有事而又及其所聞見 葛者婦人之所有事也方葛之盛時黄鳥出於谷而 泰也灌木聚木也喈喈和聲也或曰黄鳥之集于灌 木猫婦女有嫁于君子之道也言女子在家習為婦 功既成則可以適人矣

寧父母 言告師氏言告言歸薄污我私海濟我衣害濟害否歸 葛之覃兮施于中谷维葉莫莫是刈是獲為締為俗服 之無對 言解也春秋傳曰言歸于好師女師也婦人謂嫁曰 莫莫成就貌也獲食之也精日稀麤日俗歌厭也 歸言其告教於師氏也則告之以適人之道矣簿亦 辭也汙煩撋之也幹濯之也私熊服也衣禮服也此

|於定四車全書 采采卷耳不盈項筐嗟我懷人真彼周行 卷耳后妃之志也 賢審官則君子之事也 婦人知勉其君子求賢以自助有其志可耳若夫求 矣 以事君子也常自絜清以事君子則可以歸寧父母 女師所以告之之言也害弊害否云者言常自絜清 為軍三章章六句 .詩集傳

陟彼崔嵬我馬虺隤我站酌彼金罍維以不永懷 崔鬼土山之戴石者也虺隤病也姑且也將除於而 馬病不求良馬以任之徒酌酒以自慰不以為深憂 得之物項筐易盈之器而不盈馬則志不在卷耳也 采采不己之辭也卷耳苓耳也項筐备屬也卷耳易 今將求賢真之列位而志不在亦不可得也 不求賢以自助亦無以濟也 則終不免矣譬如為國之難知小人之不足任而

MENT STATE 楊木后妃逮下也 陟彼砠矣我馬病矣我憐庸矣云何吁矣 時彼高岡我馬玄黃我站酌彼兕觥維以不永傷 石山戴土日祖猪痛皆病也馬病而不知擇至於人 此章意不盡申殷勤也凡詩之重復類此山春日岡 又病也則無及矣亦吁嗟而己 玄馬病則黄兕觥角爵所以為罰也 卷耳四章章四句 詩集專

多方四月全書 南有楊木葛萬荒之樂只君子福履将之 南有楊木萬臨紫之樂只君子福履成之 南有樛木葛萬熙之樂只君子福履綏之 安也 憂患而能安履其福禄茍其不和雖有福禄而不能 荒奄也将大也 木下曲日楊木以楊故葛萬得累之而上后妃以述 下故衆妄得叙進於君子室家既和故其君子無所

火王四車至雪 一 螽斯羽詵詵兮宜爾子孫振振分 螽斯后妃子孫衆多也 螽斯羽麂麂兮宜爾子孫繩鄉兮 **売売奉飛聲也綱繩戒填也** 紫旋也成就也 也振振仁厚也言后妃子孫衆多如螽斯也 螽斯松婿也不妬而多子一生八十一子說說衆多 樛木三章章四句 詩集傳

桃之天天有黄其實之子于歸宜其家室 桃之天天灼灼其華之子于歸宜其室家 桃天后妃之所致也 螽斯羽楫楫兮宜爾子孫報蛰兮 君子而以宜其室家此后妃之德所致也 天天少壮也灼灼盛也婦人甚少而盛不以色驕其 揖揖會聚也敏敬和集也 螽斯三章章四句

大三日日 白山 鬼星后妃之化也 肅肅東置極之丁丁赳赳武夫公侯干城 桃之天天其葉蓁養之子于歸宜其家人 肅肅敬也免置鬼器也丁丁核代聲也干盾也置鬼 之人野之鄙人也野之鄙人禮之所不及也禮之所 始言其華中言其實終言其葉言其容德皆盛也 黄大貌也 桃天三章章四句 詩集傳 <u>+</u>

失獨患其不知敬而不可近今武而知敬故可以為 而鬼且言其能使婦人以禮克君子之慢故桃天曰 公侯干城也桃天言后妃能使婦人不以色騎其夫 之貌也置兔之人則赳赳之武夫也世未甞患無武 則無所不敬是以至於核代而循肅肅也赳赳有力 其夫雖宜兔之鄙人而循知敬之夫人知敬其妻妾 也無所復敬矣今婦人能以禮自將敬而不可慢故 不及者其心無所不易人而無所不易則其於妻妾

肅肅免置施于中達赳赳武夫公侯好仇 欽定四庫全書 一 **米 皆后妃之美也** 肅肅克置施于中林赳赳武夫公侯腹心 仇匹也 不及也非人之所聞見而猶肅肅則其敬也至矣 丁丁人之所聞也中達人之所見也中林聞見之所 致而免置曰化夫致者可以直致而化者其功遠矣 鬼且三章章四句 ·詩集傳 生

采采并首簿言极之采采并首簿言将之 采采荣首薄言采之采采朱首游言有之 采采并首簿言結之采采并首簿言确之 皆樂有子是以来之不厭也有藏也 **桔執在也頑极狂也** 朱苔馬為馬為車前也宜懷姓馬室家和平故婦 极拾也将取也 **米肖三章章四句**

一次定四車全書 一四 翹翹錯新言刈其姓之子于歸言秣其馬漢之廣矣不 漢廣德廣所及也 南有喬木不可休息漢有游女不可求思漢之廣矣不 可泳思江之永矣不可方思 可泳思江之永矣不可方思 漢之游女皆有廉潔之行不可犯以非禮譬如喬木 潛行曰泳方汁也思辭也文王之化行於南國雖江 不可就以休息江漢不可得而方泳也 ·詩集傳 古四

翹翹錯薪言刈其蔓之子于歸言秣其駒漢之廣矣不 可泳思江之永矣不可方思 養草之尤翹翹者也 當秣其馬以示有意馬耳 尤翹翹者也取薪之尤翹翹者以言欲取女之尤高 潔者也然循不敢斥言取之故曰於是子之嫁也我 此知女子之不可犯而思以禮道之之辭也楚薪之 漢廣三章章八句

魴魚賴尾王室如燬雖則如燬父母孔通 遵彼汝墳伐其條肆既見君子不我遐棄 遵彼汝墳伐其條枚未見君子怒如調 汝墳道化行也 斬而復生日肄 猶在上君子久役于外故婦人遵汝而伐薪勞苦而 墳大防也枝曰條幹曰枚怒飢意也調朝也是時 念其君子也 飢 九

欽定四庫全書 麟之趾振振公子于嗟麟分 麟仁獸也其於仁也非有意為之其資之也天矣關 魚勞則尾赤文王三分天下有其二以事紂周德雖 廣而紂之虐如將焚馬民之被其害者如魚之勞於 之趾關雎之應也 水也然而有文王以為之父母可以無久病矣雖婦 人而知文王之可歸此所謂道化行也 汝墳三章章四句

つこう シュー 1 麟之定振振公姓于嗟麟分 信辱如麟趾之時夫關雖之化行則公子信辱公子 是以信辱振振而不自知猶麟之於仁也毛詩之飲 睢之時人君與其后妃皆賢故其生子無不賢者夫 之徳而言其時過矣 之信厚如麟之仁此所謂應矣未常言其時也捨麟 日關雅之化行則天下無犯非禮雖衰世之公子皆 公子之賢非其身則為之父母之所以資之者遠矣 詩集團 ţ

|銀定四庫全書 召南 **鹊果夫人之德也** 維鹊有果維鳩居之之子于歸百兩御之 麟之角振振公族于嗟麟兮 定額也 鳩性拙不能自為巢而居勘之成巢國君積行累功 以致爵位夫人起家而居有之如鳩之託鵲巢非 麟之趾三章章三句 卷 國風

次定四軍全書 一 采繁夫人不失職也 維鵲有巢維鳩方之之子于歸百兩將之 維鵲有巢維鳩盈之之子于歸百兩成之 德誰能安之毛詩之敌以鳩為鴻鳩言夫人如鴻鳩 方據也將送也 之均一乃可以配馬說雖無害而鳩非鴻鳩也百兩 百乘也御迎也諸侯之子嫁於諸侯送迎皆百乘 **鵲巢三章章四句** 詩集傳 1

被之僮僮夙夜在公被之祁祁薄言還歸 于以采蘩于澗之中于以用之公侯之宫 以采繁于沼于沚于以用之公侯之事 被首飾也僮僮妹故也祁祁舒遲也公事也其在宗 宮廟也 祭 繁皤蒿也沼池也沚渚也公侯之夫人執繁菜以助 廟之事則妹敬其還歸則舒遲言各獲其宜也

草蟲大夫妻能以禮自防也 嘎嘎草蟲超超阜鑫未見君子憂心忡忡亦既見止亦 采蘩三章章四句

既觀止我心則降 草蟲常羊也旱金攀也二者皆蝗類觀以禮遇也草 蟲鳴則阜螽雖而從之婦人之於君子猶二物之相

大百年 白馬

詩集傳

大

以禮自防至於既見而後心降也

從其性然矣然其未見也常自憂不得見君子故每

金りせると言 陟彼南山言采其蔽未見君子憂心惙惙亦既見止亦 既觀止我心則夷 既觀止我心則說 **蕨鼈也時南山而采蕨豈有不得者乎然而常憂不** 被山菜也夷平也 被南山言采其薇未見君子我心傷悲亦既見止亦 得也婦人之從君子亦豈有不見禮者乎然而常憂 不見禮也憂不見禮而後乃見禮矣

C 17 12 /117 筐及筥子以湘之維飾及釜子以真之宗室牖下誰其 采賴大夫妻能循法度也 于以采蘋南澗之濱于以采藻于彼行療于以盛之維 尸之有齊季女 賴大游也藻聚藻也方曰筐圆曰宮湘京也舒釜屬 先嫁三月祖廟未毀教于公宮祖廟既毀教于宗室 也宗室大宗之廟也此所謂教成之祭也記日婦人 草蟲三章章七句 詩集博

我定匹库 全書 甘紫美名伯也 美今使李女設馬所以成其婦禮也幻而習之既嫁 中户西西上右几以為女子外成者也然禮主婦設 問也昏禮納采問名納吉約徵請期主人皆筵於廟 教成之祭姓用魚笔用蘋藻真於牖下何也户牖之 而奉祭祀則終身行之此所謂能循法度也 甘崇言美名伯江有記言美勝何彼穠矣言美王姬 采蘋三章章四句 続

一天三四年全十二 蔽 首常勿剪勿伐召伯所关 魚飛言美萬物盛多皇矣言美周或言正詩不言美 煩勞百姓敵業而舍國人思之而爱其業不恐伐也 蔽希小貌也甘蒙杜也炭草舍也名公巡行邦國重 美矣未常不言而為不言之説此皆近世之浮説也 因各為比五詩之說夫五詩言美則正詩未當不言 也 召公之為牧伯武王之世矣而詩稱名伯思者之辭 詩集傳 干

伯所說 金ケセガノニ 蔽芾甘棠勿翦勿敗名伯所態蔽芾甘棠勿翦勿拜召 鼠無牙何以穿我塘誰謂女無家何以速我訟雖速我 屋誰謂女無家何以速我獄雖速我獄室家不足誰謂 厭浥行露豈不夙夜謂行多露誰謂雀無角何以穿我 行露召伯聽訟也 拜拔也説舍也 甘棠三章章三句 巷

訟亦不女從 暴之街故其自辨曰謂雀之無角信矣今而穿屋則 能以禮自保故其稱曰行者未當不欲夙夜也謂道 淫風之被天下如露之濡物召南之女被文王之化 厭浥濕意也行道也速召也二南當文王與紂之世 雀有角矣謂混之無牙信矣今而穿墉則鼠有牙矣 强暴是以不可女子之所以自保如此然猶不免强 之多露是以不敢女子未當不欲從人也謂世之多

头定四車全書 一

詩集傳

羔羊鵲巢之功致也 亦有室家之道矣雖召我獄然而知其室家之道不 謂强暴之無室家之道信矣今而召我以欲則强暴 足而終不之從者召公明於聽訟也 直德如羔羊夫君子之爱其人則樂道其車服是以 詩言羔羊之皮而已非言其德也言其德則過矣 毛詩之飲日召南之國化大王之政在位皆節儉正 行露三章一章章三句二章章六句

|火色四車全書 | 羔羊之皮素絲五紀退食自公委蛇委蛇 羔羊之革素絲五絨委蛇委蛇自公退食羔羊之縫素 絲五總委蛇委蛇退食自公 皆婦人所為真功也委蛇自得之貌也言名南之大 君子能治其外而內無良妻妾以和其室家雖欲委 蛇而不可得也此所以為鵲巢之功致也 夫服其羔裘自公而退食於私家無所不自得也夫 古者大夫羔裘以居素絲以英裘紀組絲以飾縫也 詩集傳 Ī

金发电力人言 哉 歸哉 殷其靁在南山之陽何斯達斯莫敢或追振振君子歸 殷 子遠行從政其室家思一見之而不得如是雷也故 其霊勸以義也 絨總皆維飾也 雷聲隱然在南山之陽耳然而不可得見召南之君 日何哉吾君子去此而從事於四方不敢安也既而 羔羊三章章四句

哉歸哉殷其雪在南山之下何斯違斯莫或追處根振 操有梅其實七分求我庶士追其吉分標有梅其實三 標有梅男女及時也 君子歸哉歸哉 殷其圖在南山之側何斯達斯莫敢遑息振振君子歸 歸也 知其義不得歸也則曰振振君子歸哉歸哉言不可 殷其靁三章章六句

九年四年 上

詩集傅

Ţ

金少里人人 兮求我無士迨其今兮標有梅項筐壁之求我無士迨 其謂之 淺之異如此詩及中谷有推晉無衣之類固自有說 及今馬嫁之可也失今則過矣及其既盡頃筐而取 梅也方其七存也迨其吉而後嫁焉可也及其三也 而聽其謂此所以各及其時也凡詩每章有先後深 之也謂之取則嫁之矣七而擇其吉三而及其今盡 標落也堅取也盛極則落者梅也女子之盛時猶是

少E日年在島 → **些彼小星三五在東肅肅宵征夙夜在公夏命不同** 小星惠及下也 **些微貌也三心也五喝也正月喝在東方三月心在** 東方命禮命也諸妄從夫人以次叙進御於君所謂 小星之從心喝也肅肅宵征夙夜在公寔命不同云 説則迁雜而不當矣 若楊木螽斯之類皆意不盡中殷勤而已欲强求其 標有梅三章章四句 詩集傳 子四

金月でたる **些被小星維參與昴肅肅霄征抱衾與稠寒命不猶** 江有犯之子歸不我以不我以其後也悔 江有氾美媵也 水決復入為氾江則有氾嫡則有機而之子之不我 以何哉其後則必悔矣蓋不敢怨而埃其悔耳夫不 禂帳也猶若也 者妄自謂平賤不敢與夫人齒之辭也 小星二章章五句

安定四車全書 一 江有沦之子歸不我過不我過其嘯也歌 江有渚之子歸不我與不我與其後也處 書曰岷山導江東别為沱嘯歌以言其不怒也 益矣江有氾欲求嫡之悔過而不以怨言犯之蓋事 水歧成渚處止也 敢怨者悔之道也故小星欲求衆妾之不敢齒我而 之不失而嫡自悔矣此則善原人情也 不以貴賤臨之蓋使之得進御於君而妄不敢與我 詩集傳

麦

金ラセカノニ 野有死麝白茅包之有女懷春吉士誘之 野有死傷惡無禮也 有撲搬野有死鹿白茅純求有女如玉 今有女於此思以春適人亦必得吉士以禮道之而 誘道也野有死屬有欲用之循以白茅包之而後行 其時也孫卿子曰霸降逆女水泮殺内 後可疾時不然也古者昏禮以歲之隙自冬及春皆 江有氾三章章五句

决定四事全書 一 舒而脱脱分無感我悅分無使危也吹 何被粮矣美王姬也 東而取之况有女如玉而可不以禮成之哉 樸椒小木也將取樸椒死鹿以為用猶知以白茅純 漢儒之言詩者曰王道衰詩人本之衽席關雖作仁 非禮相凌則狗吠 脱脱舒遲也悦佩巾也龙狗也奔走失節則佩悦動 野有死屬三章二章章四句一章章三句 詩集傳 玄

重庆日五人二十 熊饗之樂風雅之正詩無不成在蓋關唯鹿鳴之作 義凌遲鹿鳴刺馬而近世學者又因此詩稱平王齊 康循不得為成康子孫之詩而此詩獨不得為文王 也久矣非復衰世之詩也夫平王者周之先王豈文 侯則遂以二南為東周之詩無疑矣子讀儀禮觀其 之詩哉 侯則武王之世太公望得稱齊侯矣且周頌之言成 王數譬如商人謂湯武王蓋亦當時一號也至於齊

Mr. Dist Like 絲伊絡齊侯之子平王之孫 何彼穠矣華如桃李平王之孫齊侯之子其釣維何維 何彼穠矣唐棣之華曷不肅雖王姫之車 魚之深釣而得之者由絲緣也王姬之貴娶而得之 乎此王姬之車也人之見其車者猶知肅雖則王姬 機猶戎戎也唐禄移也王姬之美盛若是華也肅敬 之敬也至矣 也雖和也人之見王姬之車者則相告曰曷不肅雝 詩集傳 Ę

金河四屋 有量 彼出者段一發五犯于嗟乎騶處 騶虞鵲巢之應也 家不聽則殆不行今名南之夫人能順其君子無所 出出也該蘆也不北曰死人君雖有恭儉之志而室 者由禮也 不敬雖良之微於其生也而有不傷之意馬故能使 物無不蕃者於君之射也一發而虞人異五配以待 何被機矣三章章四句

九色四年在馬 彼出者達一發五發于嗟乎關虞 嗟乎騶虞騶虞仁獸言仁如騶虞也此所以為鹊巢 **豕生三日日** 之此蕃之至也然猶不敢盡取之一發而已故曰于 之應矣 關虞二章章三句 詩集件 Ŧ

				手
詩				金の四五人門
詩集傳卷一				Ĭ.
卷				-tul. 1
				卷

九三日華台等 一 挑 欽定四庫全書 監與武與叛周公伐而誅之患商人之思舊而好亂 逾衡漳東及兖州桑土之野武王克商以封紂子武 也於是改封微子於宋以奉商後而以其餘民封康 庚使管叔蔡叔霍叔監之謂之三監及成王王幼三 詩集傳卷二 邶都衛本紂之畿內其地在禹貢冀州太行之東北 詩集傳 國風 宋 蘇轍 撰

金りせんと言 柏舟言仁而不遇也 名之 必知馬故從而加之其出於毛氏者其傳之也其出 毛詩之飲日此衛頃公之詩也變風之作而至於漢 頃公之世變風既作而邶都衛皆自有詩各以其地 叔於衛以即都封他諸侯其後衛人并即都而有之 於鄭氏者其意之也傳之猶可信也意之疎矣是以 其問遠矣儒者之傳詩容有不知其世者矣然猶欲

彼之怒 遨以遊 とこの時から 我心匪鑒不可以站亦有兄弟不可以據薄言往想逢 汎彼柏舟亦汎其流耿耿不寐如有隱憂微我無酒以 站入也逢迎也鹽之於人美惡無所不受惟擇其 皆汎於流而已 獨載毛氏之 説不敢傳疑也 有仁人而不用譬猶以柏為舟而不以載使與衆物 詩集傳

可選也 我心匪石不可轉也我心匪席不可卷也威儀棣棣不 多为正是人自言 石席也棣棣當而問習也選擇也小人之惡君子曰 想之於不仁比想所以為迎其怒也蓋朝無善人矣 何為斯踽踽涼涼然君子不以其故自改也此所謂 石雖堅尚可轉席雖平尚可卷言我心之堅平過於 而後受故雖兄弟而有不據也想不仁必於仁人今 不可轉與不可卷也

飲定四軍全書 能奮飛 辟有標 憂心悄悄愠于犀小觀関既多受侮不少静言思之寤 日居月諸胡迭而微心之憂矣如匪濟衣静言思之不 月當微耳日則否宣有日月更代而微者數君子與 関病也辟拊心也標舉手貌也 而不遂如日而微耳是以憂之不去於心如衣垢之 小人常选相勝然而小人而不得其志者常也君子 詩集傳

綠兮衣兮綠衣黃裳心之憂矣曷維其亡綠兮綠兮女 綠兮衣分綠衣黃裏心之憂矣曷維其已 綠衣衛莊姜傷已也 吁母嬖而州吁驕故云 綠問色黄正色以綠為衣而黄為裏言妄上偕而夫 人失位也莊姜齊女美而無子莊公之嬖人生子州 不濟不忘濯也憂患既深思奮飛以避之而不能矣 柏舟五章章六句


美足四車全部 一 締分給分海其以風我思古人實獲我心 所治分我思古人伴無就分 禦風其與立見矣譬如小人而重任之沙患難而後 知其不可也古之人所以為是君子小人之辨者誠 就過也治絲而綠之者汝也綠非所以為衣既已綠 以綠為衣或者不知其不可也若夫絲絡之薄而以 之分所以使人無所說耳 之而又以為衣則此我之所說也古之人為是上下 詩非傳

涕如雨 熊熊于飛差池其羽之子于歸遠送于野瞻望弗及泣 熊熊衛莊姜送歸妾也 莊姜無子陳女戴為生完莊姜以為己子莊公薨完 燕燕乳也春則來秋則去知有所避也燕将飛而差 立而州吁弑之戴為於是大歸 得我心之所憂也 綠衣四章章四句

一勞我心 とこう見いかう 熊熊于飛下上其音之子于歸遠送于南瞻望弗及實 立以泣 燕燕于飛頡之頏之之子于歸遠于將之瞻望弗及佇 陳在衛南 將送也頡頏左右顏也 門遠送至野情之所不能已也 池其羽猶戴為之將别而不恐也禮婦人送迎不出 詩集修 L

多方四周在書 弱寡人 仲氏任只其心塞淵終溫且惠淑慎其身先君之思以 日居月諸照臨下土乃如之人分逝不古處胡能有定 H 月衛莊姜傷已也 仲戴為字也任大也塞實也淵深也 莊姜賢妃也莊公惠於嬖妄而不禮馬及完立而不 煎煎四章章六句 W.

たらり見合物 寧不我報日居月諸出自東方乃如之人兮德音無良 胡能有定律也可忘 日居月諸下土是昌乃如之人兮逝不相好胡能有定 能有定之謂數 定何用不顧我哉石碏之諫莊公曰將立州吁乃定 之矣若猶未也階之為亂莊公不從故及於禍此胡 復其故處乎雖然捨我而能有所定尚可也尚為無 能終故其自傷曰君夫人日月也奈何捨我而逝不 詩集傳



· 壁壁其陰虺虺其霸籍言不寐願言則懷 アンショラ アンコー 終風且時不日有時語言不寐願言則賣 終風且靈惠然肯來莫往莫來悠悠我思 懷安也安於其所不欲往也 **惶陰也古有又通魔或作產路也寤而思之則不寐** 願往從之則若有路制而止之者言不欲往耳 霾雨上也州吁往來皆不可常莊美雖思之無益也 終風終日之風也風霾體雷皆以喻州吁之昏暴也 詩作等 t

從孫子仲平陳與宋不我以歸憂心有仲 擊鼓其鐘踊躍用兵土國城漕我獨南行 一銀定匹庫全書 擊鼓怨州吁也 國者有城漕者我獨南行伐鄭去國遠役為最苦也 立將脩先君之怨於鄭而宋公子馮在馬鄭人將納 漕衛邑也南行伐鄭也莊公之世鄭人伐衛州吁既 之故使告於宋與陳蔡共伐之是時民有為土功於 終風四章章四句

爰居爰處爰喪其馬于以求之于林之下 ここうラント 死生契陽與子成說執子之手與子偕老 故日執子之手與子偕老 契問勤苦也成說歷數之也然猶庶幾獲免於死亡 敗計也軍行必依山林求之林下庶幾得之 孫子仲者公孫文仲伐鄭之帥也 何喪其馬子若求我與馬當求之於林之下蓋預為 民將征行與其室家訣别曰是行也將於何居處於

凱風自南吹彼棘心棘心天天母氏的勞 銀完匹犀全書 凱風美孝子也 于嗟闊兮不我活兮于嗟洵兮不我信兮 闊遠也洵信也不務活其民而貪遠略故曰于嗟闊 衛之淫風流行雖有七子之母猶不能安其室子欲 不我信分 兮不我活兮告之以誠言而不吾用故曰于嗟洵兮 擊鼓五章章四句 大二

凱風自南吹彼棘薪母氏聖善我無令人 爰有寒泉在淡之下有子七人母氏勞苦 12.17 12.7 EM 沒衛地其下有寒泉泉在沒下而沒蒙其澤我曾此 長之木也風之吹棘心而至於天天也勞矣母之於 棘薪言其成也 泉之不岩也 子其勞如是風也而不能使留馬則子之過也 止之而不恐言也故深自責而已凱風南風也棘難 詩集傳 九

好完匹库全書 睍睆黄鳥載好其音有子七人莫慰母心 雄雉刺衛宣公也 吾母哉 役男女怒曠夫此詩言宣公好用兵如雄雄之勇於 **眼晓好貌也鳥猶能好其音以說人而我獨不能說** 鬬故曰不忮不求何用不滅以為軍旅數起大夫久 毛詩之 我日宣公淫亂不恤國事軍旅數起大夫久 凱風四章章四句

たいりまれるます 雄雉于飛泄泄其羽我之懷矣自貽伊阻 **瞻彼日月悠悠我思道之云逐曷云能來** 雄雄于飛下上其音展矣君子實勞我心 我之懷矣自贻伊阻 展誠也思得信厚之君以事之而不可得故勞也 大夫久於征役以公為猶維耳故自咎其懷於衛曰 雄雉勇於關飛而鼓其異泄泄然不顧也宣公之時 役是矣以為并刺其淫亂怨曠則此詩之所不言也 詩集傳

多方四月日十 絕有苦葉刺衛宣公也 **勉有苦葉濟有深涉深則厲淺則揭** 百爾君子不知德行不忮不求何用不臧 **忮害也宣公好富而多求國人苦之故告其君子曰** 吾不知孰為徳行尚不忮害不貪求斯可矣何用之 不善哉 征役既久思歸而不得之辭也 雄雉四章章四句

有瀰濟盈有意維鳴濟盈不濡軋雞鳴求其此 鷹雉聲也軌戟前也飛曰雄雌走曰牝牡有滴濟盈 濟未有不溺者也而况於無勉乎有人馬曰深則吾 厲淺則吾揭無不渡也則亦不畏不義不忌非禮之 而視之以不濡軌有攜雉鳴而及求其壮衆之所謂 不可而不顧之辭也 春秋傳曰苦絕不材於人供濟而已怙苦匏而涉深 人也宣公然於夷姜而納饭之妻俗亂甚矣改云

た己の日本島

詩集傳

1

難雖鳴馬旭日始旦士如歸妻迨冰未泮 多分で五人 招招舟子人涉印否人涉印否印須我友 自納来至請期用町親迎用昏冰之未泮你烟之時 難難應之和聲也納采用馬旭日始旦大昕之時也 也宣公淫昏而國人化之故此章為陳昏禮之正也 行也 印我也人皆輕涉而操舟者獨招招然不肯從言衛 相率為亂而其君子猶待禮而後行不得其偶不

東宅四車全書 習習谷風以陰以雨黽勉同心不宜有怒采葑采菲無 谷風刺夫婦失道也 足矣 心憂樂共之而何怒之有葑須也非芴也人不以其 谷風東風也風行於陰雨而不廢其和夫婦問勉同 下之不善而棄其上之可食譬如婦人德音不違而 下體德音莫達及爾同死 絕有苦葉四章章四句 7 37 一詩集傳

甘如蘇宴爾新昏如兄如弟 行道遲遲中心有違不逐伊涵薄送我畿誰謂茶苦其 涇以渭濁湜湜其沚宴爾新昏不我屑以 我止於畿而已故其心苦之而不知茶之苦也 幾內門也茶苦菜也行道而有所違者其行遲遲而 涇濁涇以渭故人謂之濁耳然其沚浸湜然上下 不恐去今君子之棄我曾不如是行道之人也其送 湜湜水見底也沚小渚也屑潔也涇水入渭渭清而

世逝我深世發我**答我躬不**閱遑恤我後 ス・フ・」 こう 潔也 成功之謂也新昏囚舊室之成業不知其成之難則 梁笥皆所設以取魚逝人之梁而發人之笥因人之 料輕用之我雖見棄猶憂其後之不繼也故告而止 之辭也閱察也 之既而曰我躬且不容何暇恤我後哉知告之無益 婦人自言脩潔如此奈何以新昏之故而遂不吾 ... (1) 詩焦傳 丰

|銀坑匹庫全書 就其深矣方之舟之就其淺矣泳之游之何有何亡黽 鞠及兩顛覆既生既育比子于毒 勉求之凡民有喪前副校之 不我能慉及以我為讎既阻我德賈用不售昔育恐育 霧而不售育生也鞠窮也昔者生於恐懼鞠窮之中 慉養也夫婦之親而至為仇離故 雖平生之德義皆 救之况於事君子而有不盡乎 比章言其深淺有無無所避者民之有喪猶將匍匐 卷二

乞こり夏 公丁 一 治我肄不念昔者伊余來壁 我有旨蓄亦以御冬宴爾新昏以我御窮有洗有潰既 獲此安息也 我御窮而已及其富樂則不我以不念昔者由我而 堅息也蓄美菜者所以御冬月之無也今君子亦以 旨美也蓄聚也洗洗武也清清怒也治遺也群勞也 及爾願覆而不顧今亦既生育矣而比予于毒毒者 人之所棄惡也 詩集傳 上四

多玩匹犀生書 式 微式 微胡不歸微君之故胡為乎中露式微式微胡 式微黎侯寓于衛其臣勸以歸也 不歸微君之躬胡為乎泥中 式試也狄人迫逐黎侯黎侯窩于衛衛不能納而不 黎今黎陽也 是以試之於微而不可則止今君之寓於衛久矣而 歸其臣尤之故曰君子之所以觀其人者於其微耳 谷風六章章八句

こうにんこ 旄丘 責衛伯也 書故式微旄丘之我相因之辭也而毛氏之致旄丘 則又曰狄人迫逐黎侯黎侯寓於衛衛不能修方伯 衛侯爵時為州伯故稱伯數孔子之欽詩也自為 其暴露而無覆籍之者也 衛不吾勤其不吾納者可見矣而胡為不自歸乎衛 人非君之故之為而胡為久於其地乎中露泥中言 式微二章章四句 詩作等 土

何其處也必有與也何其久也必有以也 **旄丘之萬分何疑之節分叔兮伯兮何多日也** 欽定匹庫全書 蔽苗黎亡則衛及矣奈何久而不殺哉 首斷其一節而百節廢矣譬如諸侯雖異國而相為 葛其節雖甚問也然而無以其陽節而謂患不相及 前高日旄丘誕闊也叔分伯分同姓之國也旄丘之 連率之職黎之臣子以責於衛其言與前相復非一 人之辭明矣

狐裘蒙戎匪車不東权兮伯兮靡所與同 瑣兮尾分流離之子叔兮伯兮褒如充耳 7): 17 J. 1. 救也 土相接故狄之為患黎與衛共之 蒙戎亂貌也久留於衛裘已散矣非吾車不能渡河 耳是以止於衛而不去蓋是時衛猶在河北黎衛攘 以告東方之諸侯也以為東方諸侯無與我同患者 夫豈無故而久處於衛哉以為與衛同患勢之所當 詩集傳 夫

致定匹库全書 簡分刺不用賢也 充其耳其後衛人遂有狄難 子不知其将為已患也然告之而不聽衰衰然如或 虐始於黎衛人以狄之微而不忌譬如流離之養其 瑣小也尾末也流離梟也其子長大則食其母伙之 夫此詩言賢者不見用而思想之天子故曰云誰之 毛詩之敘曰衛之賢者仕於伶官皆可以承事王者 **旄丘四章章四句** 卷二十 次定四車全書 庭萬舞 簡分簡分方將萬舞日之方中在前上處碩人俱俱公 前上處居舞者之前列也俱俱壯大貌也俱俱之碩 簡擇也萬舞干舞也方且萬舞而勤於擇人言其盡 心於舞而不知其他也日中而舞未止言無度也在 之賢者口所謂西方之人者言其宜在王室也可乎 思西方美人知周之不足想故曰彼美人兮西方之 人兮毛詩既以西方美人為周而又以彼美人為衛 詩集傳

言錫爵 有力如虎執轡如組左手執籥右手秉翟赫如澄精公 以禦侮矣而使之執籥東翟赫如渥緒卿大夫之容 轡於上而馬馳於下如織組也言有力而善御者可 組織組也織組者總此於比而成文於彼善御者執 之道也惠不過一散 也而錫之以一爵記日祭有界輝胞翟閣寺者惠下 人非所宜舞於中庭也 文之四事全事 一人 詩集傳 山有榛隰有苓云誰之思西方美人彼美人分西方之 想之天子西方周之所在也周衰而天子不能正諸 方之人兮言其不能及遠也 侯雖復知其賢亦將無如之何矣故曰彼美人兮西 碩人之不當其處也賢者仕於諸侯而不得志則思 榛栗屬苓大苦也山則宜有榛也隰則宜有苓也傷 簡兮三章章六句 ナム

陸彼泉水亦流于淇有懷于衛靡日不思變彼諸姬聊 泉水衛女思歸也 循莊舄之病而越吟人情之所必然也 未有同者衛國之女思衛而作詩其為衛音也固宜 女渦志衛音促數煩志齊音做辟驕志盖諸國之音 嗟雕刺魯莊而在齊泉水載馳竹竿皆異國之詩而 在衛者以其聲衛聲數記曰鄭音好溫淫志宋音燕 凡詩皆繫於所作之國故木瓜雖美齊桓而在衛猗

大是四軍全等 一 遂及伯妙 與之謀 出宿于沖飲錢于禰女子有行遠父母兄弟問我諸姑 當然之情故関而録之也 **送流貌也淇衛水也孌好貌也泉水出於他國而流** 不歸法之不得已也聖人不以不得已之法而廢其 衛之諸短將見而與之謀也夫思歸情之所常然也 於其女子嫁於具國父母終思歸寧而不得是以思 詩集件 九

出宿于干飲錢丁言載脂載產還平言遊遊臻于衛不 金万里五人二十 言其可以歸之義曰婦人有出嫁之道遠於其宗故 禮緣人情使得歸寧因以問其始姊今曷為不得哉 澤故濟水及衛衛女思歸而不獲故言其所由以歸 東流為濟入於河溢為蒙春秋傳衛及狄戰敗於蒙 遂行宿於近郊沖禰所由適衛之道也書曰導流水 之道以致其思之至也既言其所由以歸之道則又 始有事於道者祖而舍較因飲酒於其側曰錢禮罪

瑕有害 寫我憂 我思肥泉兹之永欺思須與漕我心悠悠駕言出遊以 還施其車而試之也過疾也害何也言其至衛非有 所出同所歸異曰肥泉蓋以自況也須漕皆衛邑也 瑕疵也而曷為不許哉 干言亦所由適衛之地也脂脂車也桑設產也還車

九年四年全書 一

詩集得

Ŧ

知其不可是以出遊以寫其憂而已

為之謂之何哉 出自北門憂心股殷終宴且貧莫知我艱巴馬哉天實 北門刺仕不得志也 見用者君也而歸之天知命者之靜也 君子任於亂世如出自北門背明而向陰也任而不 泉水四章章六句

馬哉天質為之謂之何哉

王事適我政事一坪益我我入自外室人交編詢我已

大色四年全台 一 馬哉天實為之謂之何哉 王事敦我政事一坪遗我我入自外室人交徧推我已 事也 謫之言勞而不免其罪也謂之室人者在內而不事 并以厚益我已事而反則其處者爭求其瑕疵而譴 適之也坪厚也天子之政令既以適我國之政事復 敦敦迫也 北門三章章七句 詩集傳

亚只且 多少口五人司 北風其涼雨雪其零惠而好我攜手同行其虚其邪既 **北風其皆雨雪其霏惠而好我攜手同歸其虚其 邪既** 北風刺虐也 犯讀如徐北風而又雨雪其虐甚矣故其民苦之而 相告曰尚有惠而好我者與汝攜手同行而從之昔 之虚徐者今亦並為急刻之行矣尚曷為不行哉

莫赤匪狐莫黑匪鳥惠而好我攜手同車其虚其邪既 **美官四車全馬** 静女其妹俟我於城隅愛而不見極首踟蹰 静女刺時也 亟只且 **喈疾貌霏甚貌** 未有赤而非孤黑而非鳥者言其君臣為惡如 衛君內無賢妃之助故衛之君子思得靜一之女既 北風三章章六句 詩集傳 主

静女其孌貽我彤管彤管有燒說懌女美 自牧歸夷洵美且與匪女之為美美人之貽 古者后夫人必有女史形管之法以記過失且以次 有美色又能待我以禮者而進之於君思而不可得 是以踟蹰而求之城隅言高而不可途也 牧田官也夷茅之始生者蓋言宮中無復斯人矣故 **叙羣妾之進御者煒赤貌也樂其有法而後說其美**

大王日本在的 1 新臺有汎河水瀰漏燕婉之求遠條不鮮 新臺刺衛宣公也 難言之故識其臺之所在而已燕婉謂仮也蘧蘇不 宣公納仮之妻作新臺於河上而要之國人疾之而 能俯者天下之惡疾所以深惡宣公也批鮮明貌也 此女之美乃美其人之遺我者耳蓋求之至也 願得幽閒處子而進之君也苟有以是女進者吾非 静女三章章四句 詩集傳

魚網之設鴻則離之蔗婉之求得此戚施 折臺有酒河水流流焼城之求養條不珍 二子乘丹思级壽也 成施不能仰者也 燕安也婉順也鮮善也 將通世子而得宣公循網魚而得鴻所得非所求也 酒高峻也於絕也猶言病而不死者也 新臺三章章四句 たこ とこの見んたり 二子乘舟汎汎其逝願言思子不服有害 二子乘舟汎汎其景願言思子中心養養 不知所定也 見其景欲住牧之而不可得是以思之養養然憂而 宣公納仮之妻生壽及朔朔與其母想仮於公公使 之自衛適齊必涉河國人傷其往而不返汎汎然徒 以去壽竊其節而先往盜殺之饭至曰乃我也又殺 之於齊使盗先待於華壽以告仮仮曰君命也不可 詩集學 茜

動好四周全書 哉夫宣公将害极极不恐去而死之尚可也而壽之 言二子若避害而去於義非有瑕疵也而曷為不去 死獨何哉無救於兄而重父之過君子以為非義也 一子乘孙二章章四句

詳校官監察御史臣左 周

通政使司副使臣其瞻亲覆勘

校對官檢討日郭 覆枝官編修臣茅元銘 謄録貢生臣李 挏 寅

欽定四軍全書 自動力 是 我们 灭 CONTRACT. 剛 TO SECTION **通年而死其妻守** 維我儀之死矢靡它 撰

母也天只不諒人只 汎彼柏舟在被河側髮被雨髦實維我特之死矢靡 髦者髮至眉子事父母之飾也儀匹也之至也矢些 特匹也愚邪也 有淡衛人刺其上也 也天父也 河舟之所當在也婦人之在夫家猶舟之在河 柏舟二章章七句 CHANGE A COURT

長也 次已日日日 牆有成不可襄也中毒之言不可詳也所可詳也言之 西思 牆有淡不可婦也中葬之言不可道也所可道也言之 襄除也 去之恐其傷牆也 宣姜衛人疾之而莫能去譬如族梨之生於牆欲婦 淡族教也毒成也衛宣公卒惠公幼其庶兄頑然於 也 詩集傳

君子偕老副笄六班委委佗佗如山如河象服是宜子 辱也 之不淑云如之何 君子偕老刺衛夫人也 一牆有炭不可東也中恭之言不可讀也所可讀也言之 ヨリロアノニー 象服者象物以為服蓋衛程網程也書曰予欲觀 副者后夫人之首飾編髮為之笄衡笄也珈笄飾 牆有淡三章章六句 也

班分班分其之程也其髮如雲不屑髮也王之填也象 '稀也揚且之替也胡然而天也胡然而帝也 **威服尊女使如天帝然者非以女有德可以配君子 瑱塞斗也掃所以摘髮也揚眉上廣也哲白也以是** 妣 之不善將如是服何哉 **佗緩而有禮如山河之崇深乃可以有象服令宣姜** 之象能與君子偕老乃可以有副并六班委委伦 鮮威貌也程衛程閥程也鬒黑也屑潔也髮髮也

次色马平全号 一

詩集牌

且之顔也展如之人分邦之媛也 · 送分送分其之展也蒙彼鄉絲是無神也子之清揚揚 分りせんと言 清視清明也顏額角豐滿也展誠也媛美女也如是 搓鮮白貌也展衣夫人以禮見君及賓客之盛服也 統之靡者為鸽祥讀如絆暑服則加継絆以自敛 者可以為邦之媛矣而不為也 耶嗟今無以受之也 君子偕老三章一章七句一章九句一章 飭

爰来唐矣沫之郷矣云誰之思美孟姜矣期我乎桑中 桑中刺奔也 要我乎上宫送我乎淇之上矣 爰来麥矣沫之北矣云誰之思美孟弋矣期我乎桑中 要我乎上宫送我乎淇之上矣爰米對矣沫之東矣云 唐兔緣也託采唐以相誘也書曰明大命于沐邦 科都朝歌以北是也 之思美孟庸矣期我乎桑中要我乎上宫送我乎淇 詩集傳

鳴之奔奔刺衛宣姜也 熟之奔奔鹊之疆疆人之無良我以為兄 /上矣 姜弋庸皆者姓也刺無禮則稱孟言雖長而尼禮也 奔奔疆疆皆有常匹相隨之貌言宣姜鶏鵲之不若 美有禮則稱季曰有齊季女言雖幼而知好禮也 八則頑也 桑中三章章七句 卷三

定之方中美衛文公也 定之方中作于楚宫揆之以日作于楚室樹之榛栗樹 鹊之疆疆鶉之奔奔人之無良我以為君 大己り百日ます 桐 君小君也 懿公為狄所減戴公渡河東徙以廬于漕一年而卒 齊桓公城楚丘以封文公文公大布之衣大帛之冠 梓漆爰伐琴瑟 熟之奔奔二章章四句 詩集傳 五

金分四月百言 云其吉終馬允臧 營室中則十月中也於時可以營宫室矣楚宫楚丘 爰曰也種此六木於宫者曰後可以伐琴瑟也種木 宫也換之以日換日之出入以知東西也椅梓屬 堂亦衛色也景山大山也京高丘也文公之将徙於 者求用於十年之後其不求近功凡類此矣 始建城市而營宮室百姓悅之而作此詩定營室 被虚矣以望楚矣望楚與堂景山與京降觀于桑 CHARLES THE PROPERTY OF THE PR th

靈雨既零命彼信人星言夙駕就于桑田匪直也人秉 心塞淵縣北三十 て・うこ ニュー 靈善也信人主傷者也文公勤於民事雨既止見星 其下有桑土可以居民從而卜之而得吉卜其終皆 楚丘也升虚而望其高有陵阜可以屏蔽其國降 是人也其心充實而淵深則宜其有縣北三干也言 然信善可居也 而駕以行舍於桑田矣是以民說而稱之曰不直 詩原傳 哉

多定匹庫全書 風 乃三百乘而此言三干者盖其可用者三百乘而其 耳馬七尺曰縣春秋傳文公元年華車三十乗季年 富强之業必深厚者為之非輕揚淺薄者之所能致 於文武風俗純備是以其詩發而為正詩自成康以 積仁行義凡數百年其種之也深而蓄之也厚矣至 王澤之薄也从矣非是人之所能復也昔周之與也 宣王之雅旨美之詩也然猶不免為變詩何也曰 壮則三干也世之學者曰衛武衛文鄭武秦襄之

來周室不競至幽厲而大壞其敗亦数百年其畜之 為之而後能自其變而復于正其反之也亦難亦 善之積未若其變之厚矣是以不免於變老者之 有后稷公劉文武積累之動而後能今夫五人者 而至于變其敗之也甚難其間必有幽厲大亂之君 也亦厚矣是以其詩不復其舊而謂之變夫自其正 乎其所由來者遠矣 為老為其積衰也因其一日之安而以為肚也 詩集傳 Ł

大王日上 Asi

城東止奔也 金好四月百書 蚁螺在東莫之敢指女子有行速父母兄弟 當行通人矣何患於不嫁而為是非禮也 毛詩之放日衛文公之詩也 女子之不待父母媒妁而行者也是以國人莫不惡 之指之猶且不敢而況為之乎故告之曰女子生而 **嵊虹也城域之雨暴雨也不待陰陽和而雨矣猶** 定之方中三章章七句

朝臍于西崇朝其雨女子有行速兄弟父母 苦不俟而為被蝦蝀之暴雨也譬之女子之生至於 曆升也崇終也朝有升氣于西終其朝而雨至矣何 成人則自當行矣何至汲汲於非禮也 如之人也懷婚姐也大無信也不知命也 刺無禮也 **蚁峽三章章四句** 知事之有命也則不為不義安而竢之矣

ፊ定四庫全書 枂 相鼠有齒人而無止人而無止不死何俟 風有皮人而無儀人而無儀不死何為 位而無禮者 皮而無禮耳人之所以為人者豈以其面亦以其禮 毛詩之叙曰文公之詩也文公能正其羣臣故刺 相 也茍無禮則亦鼠矣 止容止也 視也視鼠之所以為鼠者豈以其無皮故邪亦有

以界之 相鼠有體人而無禮人而無禮胡不過死 J. 17.1. 1 孑孑干旄在浚之郊素綠紕之良馬四之彼妹者子何 干旄美好善也 凡旗皆注旄於干首古者招無人以旃招士以於 毛詩之故日衛文公之詩也 大夫以旌干旌所以招之也素緣良馬所以贈之也 相鼠三章章四句 铸煤牌 招

以予之 以告之 子子干 旗在 放之都素綠組之良馬五之彼妹者子何 割定四庫全書 子子干旌在浚之城素 終祝之良馬六之彼妹者子何 鳥隼曰旗組能組也 紙縫也四數也既有以招之又有以贈之故人思有 以界之也 注旄而不設旒修曰旌祝屬也 卷三

載馳許穆夫人作也 戴公之詩也而列於文公之下王之免爰桓王之詩 列國之詩皆以世為先後非如十五國風無先後大 莊昭之間皆非孔氏之舊也蓋傳者失之矣 小之次固當以世為斷令載馳之一章曰言至于漕 . 助載驅歸官衛侯驅馬悠悠言至于漕大夫政涉 也而列於平王之上鄭之清人文公之詩也而列 十旄三章章六句 诗其字

動定四庫全書 既 うじ 則憂 之往而不足以解憂也 衛候許移夫人之兄戴公也大夫許大夫之事衛者 禮國君夫人父母在則歸寧父母沒則使大夫歸學 不我嘉不能旋反視爾不城我思不速 也草行曰跋水行曰涉夫人將歸親官其兄雖大夫 兄弟而夫人不行故許穆夫人思歸官其兄而 以禮不許夫人以為禮施於無故而欲歸寧者且

陟 既 スニノシ ニン 腿閉也 彼阿丘言采其亟女子善懷亦各有行許人尤之衆 不我嘉不能旋濟視爾不臧我思不悶 知禮之不可越故也盖為此詩以致其忠愛而已 夫將欲止之必有已之之道今無以已之而欲其 猶 今術國亡矣棄其社稷宗廟而廬於漕思歸唁之而 以其心不肯忌遠衛也然要之夫人終亦不行 以此不許故曰不能旋反言其執一而不知變 詩集博

褲 金月四月全書 我行其野光光其麥控于大邦能因誰極大夫君子無 我有尤百爾所思不如我所之 以 獨采其蘇而已然人無有尤之者以人各有所取也 且狂 令我之懷衛亦各有道矣要以不為不善則已而獨 偏高白阿丘亟貝母也行道也阿丘之物為不少矣 是禮不許我何哉故曰其尤我者皆衆不更事之 也不然則狂者耳

大足り事とより 衛不如使我一柱親見之也 已故告其君子曰無我有尤雖喝爾思慮以為我課 控告于大國誰因者誰至者許人雖尤之而其心不 極至也夫人思歸行衛之野而觀其麥之有無問 以春秋傳叔孫豹賦載馳之四章義取控于 或言四軍一章三章章六句二章四章章 華八句 載馳五章一章六句二章章四句一章六句 詩集傳

衛洪奥 其與美武公之德也 分個分赫分四分有匪君子終不可談 金グロガノア 寬大也赫明也啞者也該辰也淇之澤深矣然不可 得而見所可見者其限之緣竹也令其上多竹君子 奥隈也猗猗威也匪斐通有文之貌也瑟於莊也個 被淇與綠竹稍稍有匪君子如切 非今之四章故也 國風 如磋 分 如琢如磨瑟

欠已9月至了一四 孔子告之以貧而樂富而好禮而子貢知 忘 去恶遣善以求全其性然亦不可得而見也徒見其 而 好禮者也子貢曰詩云如切如磋如琢如磨其斯 無諂富而無騎何如子曰可也未若貧而樂富而 也是以知其積諸內者厚也子貢問於孔子曰首 於外者瑟然間 越子曰賜也始可與言詩已矣告諸往而知來 居所以自修者亦至矣如切如磋如琢如磨日 然赫然喧然人之見之者皆不忍 詩原博 其自 切 之

瞻被其與緣竹青青有匪君子充耳琇瑩會弁如星瑟 兮僴兮赫兮咺兮有匪君子終不可誤兮 金万旦尼石書 富而好禮者數記曰富潤屋德潤身心廣體胖故君 飾之以玉 充耳項也琇瑩美石也弁皮弁也會弁之維中也盖 琢磨得之此所謂告諸在而知來者如衛武公所 被淇奥綠竹如簀有匪君子如金如錫如主如壁官 必誠其意詩云瞻被洪與綠竹猗猗

次已以戶台 考樂在澗碩人之寬獨寐寤言永矢弗誤考樂在阿碩 考梨刺莊公也 分綽分猗重較分善戲謔分不為虐分 寤宿永矢弗告 **簀積也金錫主璧言其既成也綽緩也較两輔上出** 之過獨寐寤歌永矢弗過考樂在陸碩人之軸獨寐 軾者重較卿士之車也 洪奥三章章九句 詩集博 力

碩人関莊姜也 金グセスノー 不仕之辭也 **辰也弗過不可復在也弗告不可復諫也皆自誓以** 皆磐桓不行從容自廣之謂也弗該既往之戒不可 而成樂於是必有甚惡而不得已也寬也邁也軸也 考成也聚樂也潤也阿也陸也皆非人之所樂也今 其順衣錦裝衣齊侯之子衛侯之妻東宫之妹 考槃三章章四句

侯之姨譚公維私 次足马草 至 笑倩兮美目盼兮 如柔夷膚如凝脂領如蝤蛴齒如瓠犀螓首蛾眉巧 惡其文之太者也莊姜齊世子得臣之妹也那周公 翟衣衣錦者在塗之服也裝禪也衣錦而尚之以聚 之後也譚近齊後為齊桓公所減妻之姊妹曰姨姊 此章言莊姜親戚之盛也颀長貌也國君夫人嫁 妹之夫曰私 詩原博

碩 夫夙退無使君勞 此章言其車服之美也敖敖長貌也順馬纏鑣扇汙 也 此 也人君以朱經鎮盛貌也弗車之後障也以程羽為 人敖敖武于農郊四壮有縣朱憤巍鎮雅弟以朝 後罷夫人始至故為之夙退也 章言其容貌之好也蝤蛴蝎也犀狐瓣也螓睛睛 禮君聽朝於路寢夫人聽內事於正寢大夫退 額廣而方情口輔 好也盼白黑明也

限刺時也 次足り更好方 氓之虽虽抱布質絲匪來質絲來即我謀送子涉渡至 委孽孽庶士有揭 河水洋洋北流活活施界減減鱣鮪發發良炎揭揭無 言有如此人者而君不答則君可責而夫人可関也 庶姜同姓也庶士異姓也孽孽眾也揭肚貌也是詩 此章言齊之强也河在齊之西北限魚器也炎亂也 碩人四章章七句 詩集傳 去

五人口人人 于頓丘匪我您期子無良媒将子無怒秋以為期 笑載言爾上爾筮體無咎言以爾車來以我賄遷 來 被垝垣以望復關不見復關泣涕連連既見復關載 自悔之解布幣也質買也託買緣而就之謀為淫 此詩前二章皆男女相從之解後四章皆女見棄而 坑毁也復關限之所在也體卦兆之體也 未落其葉沃若吁嗟傷分無食桑葚吁嗟女分無 頓丘一成之丘也 亂

|裳女也不爽士貳其行士也罔極二三其徳 落矣其黄而順自我祖爾三歲食貧淇水湯湯漸車惟 與士就士之就分猶可說也女之就分不可說也桑力 甚美而不能去則將依馬不知其將黄而隕男子之 桑之未落也其葉沃沃然為若可依者也鸠食其其 之車所以障者漸車惟蒙言其不顧艱難而從之也 不知其三歲食貧而至於相棄也惟裳童容也婦 相得也意厚而財豐一若可久者婦人喜而從之

次已り見らり

詩集博

笑晏晏信誓旦旦不思其反反是不思亦已馬哉 金万巨尼白書 及爾偕老老使我怨淇則有岸隰則有泮總角之宴言 于暴矣兄弟不知咥其笑矣靜言思之躬自悼矣 三歲為婦靡室勞矣夙興夜寐靡有朝矣言既遂矣至 暴矣言婚姻既成而遇之以暴也 靡室勞矣言不以室家之勞為勞也言既遂矣至于 有畔何女心之不可知也反復也不思復其舊言也 始也將與汝偕老令老而反使我怨淇猶有岸隰猶

籍籍竹竿以釣于淇豈不爾思遠莫致之 欠己り豆二六 竹竿衛女思歸也 籍籍長而殺也籍籍之等而不可以釣于淇猶言誰 失之矣 此詩教與泉水教同皆父母終不得歸寧者也毛氏 不知泉源淇水檜楫松舟之喻以為此夫婦不相能 之辭故叙此詩為適異國而不見答思而能以禮者 银六章 章十句 詩集傳

洪水在右泉源在左巧笑之瑳佩王之雠 泉源在左淇水在右女子有行遠兄弟父母 金月七月百十 弟之道矣譬如泉源洪水之不得相入也 思歸而不可得則以自解日女子生而有遠父母兄 謂河廣一掌杭之言其近爾淇近則衛近矣非不欲 弟也則自修飭以順事君子俾無尤馬以慰父母 選巧笑貌也惟行有度也知女子之為必遠父母D 歸也不可得歸也蓋亦父母終而不得歸寧者也

光蘭之支重子佩鶴雖則佩鶴能不我知容分遂分垂 光蘭刺惠公也 欠己り見をいう一 洪水恐恐槍楫松舟駕言出遊以寫我爱 弟而已 也 柏葉松身曰僧二木之相為舟楫也不自從其類而 從非其類物則固有然者何獨女子也所以深自解 竹竿四章章四句 詩集傳

一帶悸分 · 光蘭之葉童子佩謀雖則佩隸能不我甲容分遂分垂 金分世屋 台書 帶悸分 光蘭崔也雖有支然不得所依則蔓延於地而不能 容刀也遂遊通佩玉也帶紳也悸悸有節度之貌也 成人之佩也人君治成人之事故雖重子而佩觸穴 言徳不足以稱其服也 起童子雖佩觿然不能如我之多知也觿所以解結

| 飲定四車全事 | 誰 河廣宋襄公母作也 義不得在故作此詩以自解 謂河廣一章杭之誰謂宋遠政予望之 宋桓公之夫人衛文公之妹也生襄公而出思之而 以緩就其思宋之心也蓋曰雖在衛猶在宋耳 杭渡也河廣矣宋遠矣以為一章可度而政可見所 **課玦也能射御則佩玦甲狎也** 光蘭二章章六句 詩集傳 Ĭ

伯分刺時也 誰謂河廣曽不容刀誰謂宋速曾不崇朝 自グセブノグ 自伯之東首如飛逢豈無膏沐誰適為容 伯分褐分邦之桀分伯也執及為王前驅 字也揭武貌也父長丈二而無刃 君子上從王事不得休息婦人思之而作是詩伯其 刀小舟也崇朝行崇朝也 河廣二章章四句

死已り見いう 馬得該草言樹之背願言思怕使我心寡 其雨其雨果果出日願言思伯甘心首疾 是以甘心於首疾 **護草令人是憂背北堂也海病也** 君子當至而不至猶欲雨而得日也思之而不得見 孤刺時也 人夫不在無容飾 伯兮四章章四句 詩集博 Ī

有狐綏綏在彼洪側心之憂矣之子無服 有狐綏綏在彼淇厲心之憂矣之子無帶 有狐緞級在被淇梁心之爱矣之子無裳 若狐也 属深也 綏綏匹行號衛之男女失時喪其配偶婦人自傷 有狐三章章四句

投我以木瓜報之以瓊琚匪報也永以為好也 投我以木桃報之以瓊瑤匪報也永以為好也投我以 欠己り見とう 木李報之以瓊玖匪報也永以為好也 德之故曰雖投我以木瓜我將報之以瓊琚瓊琚之 桓公城楚丘以封衛遗之車馬器服衛以復安衛 而已 於木瓜重矣然猶不敢以為報也永以與之為歡 木瓜三章章四句 詩集博 Ī

詩集傳卷三					金万里人
					卷三
	-			, and the second second	
					-